

密縣志卷四

山水志

縣西抵登封南抵禹州界曰密帖山

爾雅山如堂者密無草木曰帖

名勝志古密檜國之地亦稱密國山名也又古密城在山之東四十里

說嵩考山海經穆天子傳汲冢周書俱云黃帝探密山之玉策注玉華也密一作崧高不及二室半而挺轟巽維實爲左障若嵩東無密則神嶽凝蓄之氣不能無一隅滲漏之憾故嵩東之山盡於密而密實屏翰於嵩

按名勝志說嵩皆謂密以山名而密帖在縣西南三十里爲洧南諸山之首最爲高大其說信矣舊志謂密山有二脉其在北者爲嵩之東麓在南者爲外方之末陲不知禹

密縣志

卷四 山水

河南印刷局印

貢外方即嵩高非嵩高外別有外方也其說誤讀朱子詩註檜在外方北之語未加詳核遂分而爲二耳今考境內諸山其脉有三皆自嵩來嵩東北行至五枝嶺分二支入密界一支爲城北諸山南一支山形微伏至景店又分爲二支南一支至密帖山突起以次東行爲洧南諸山東南一支自馬嶺寺起盡超化寨皆爲馬嶺嶺南爲洧水嶺北爲綏水亦至超化交流南北諸山多高大者惟馬嶺土石相雜勢皆平行云

密帖山北曰香山 通志在縣西南二十里下盡平陌河

說嵩與密帖接趾石質脆膩細理縷疊遍產磁炭居民藉其利或曰磁始於白居易尹河南時教民業作以活民立祠山上祀之曰香山廟並以名山也

其東南曰栲栳山 通志在縣西南三十里形如栲栳俯平陌河

又東曰栢崖山栢崖北曰熊耳山 通志在縣南三十里古栢成林上有龍湫俗訛熊耳

山

按柏崖熊耳南北對峙中有白龍潭非一山也通志誤

又東曰承雲山承雲二水出焉 續通志在縣南三十里土人呼爲破荊山據水經注有東西承雲二水出其下流逕超化寺前則今之破荊即古之承雲也山巔有石穴天將雨則雲霧先出

又東南曰崆峒山 通志在縣南四十五里土人相傳即逍遙觀山

按崆峒山在今平涼府西其麓有黃帝問道處癸巳志云此小崆峒以別西極者

火門山 通志在縣南四十五里有洞豁然向離故名

按夷堅志密縣有墮門山今密無墮門而有火門其火墮二音近而訛歟又俗傳曰火煤蓋以地多煤故名

密縣志

卷四 山水

二

河南印刷局印

其東北曰龜山 在縣東南二十五里其形如龜在承雲水口

按魏書地形志密縣有大龜山疑即此

棚山 在縣東南三十五里

講武山 在縣東南三十五里

按舊碑謂黃帝常與風后講武於此故名東坡有柏成林山陽大泉湧出山陰山左各有小泉俱流入馬關河

又東南曰七敏山 按山海經敏山在大隗西即今之七敏山也山下出水名敏水可知七敏山當時亦稱名敏山

大鴻山 通志作大鴻寨山在七敏山之東黃帝之臣大鴻氏屯兵於此故名

土人又相傳爲黃帝避暑處東峰曰東華門西有塔山曰西華門東門相連一峰曰梳

妝樓其山之北麓有南泉寺林壑幽勝竹澗泉鳴探奇者多遊於此下瀉五六里達獨

孤峯入馬關水

明阮漢聞有咏大鴻山詩見藝文志

石樓山 在大鴻山之東其山高峻重疊狀若樓然頂甚坦可容百人山陰有泉曰冷泉飲之如冰北流入馬關水

按密有石樓山二其一在青龍寨之南約二里許山之北偏孤峯突起狀亦如樓故名具茨山澗水出焉 莊子徐無鬼篇黃帝見大隗於具茨之山

太平寰宇記大隗山即具茨山也黃帝登具茨之山升於洪堤之上受神芝圖於黃蓋童子即是山也澗水源出此

路史循蜚紀大隗氏出於河南密大隗山

通志在縣東南四十五里澗水出其阿流為陂俗謂之玉女池今其山有軒轅避暑洞

密縣志

卷四 山水

三

河南印刷局印

巔有風谷下有白龍湫每旱致禱輒應

錢青簡有大隗懷古詩見藝文志

最東曰風后頂入新鄭境 新鄭舊志具茨山與密縣連界其最高為風后頂在新鄭境

內據莊子大隗似以人名山故風后頂亦取黃帝六相之稱而在密境者又有力牧臺大鴻山皆其類也

縣西南曰海山 在縣西南二十里山壑盤紆民皆穴洞以居東南隣平陌河即馬嶺東南一支下盡超化

縣西曰鳳凰山 名勝志在縣西四十里世傳有鳳凰集其上故名下有鳳凰池

又東北曰二龍山中為蜘蛛山 在大方山前有助泉寺內有黑龍泉潛水不流前有靈感泉天愈旱則流愈遠

縣西北曰香峪山 通志在縣西北五十里山高谷幽上多芳馨之草山前有上香峪寺

後有虎跑泉東有狗跑泉西有黑龍潭元至正間禱雨黑龍見

其東南曰大方山一名浮戲山綏水出焉 山海經中山經又東三十里曰浮戲之山汜水出焉

太平寰宇記方山注汜水出浮戲山世謂之方山也

說嵩方山形如鑪如鐘如屏帷几帳豎矗橫亘四面青削拔地直上周廻若城汜源於陰綏源於陽經謂其大者畧綏耳

通志在縣西北三十里山頂平衍方正即山海經所謂浮戲山也下有綏谿綏水出焉

又東北曰蘭崖山 方輿紀要西北有蘭崖山與汜水接界峭拔千尺

名勝志山下有深谷曰落鶴澗昔密人蘭公夫婦於此化鶴飛去至今崖下有石成對形如雙鶴

密縣志

卷四 山水

四

河南印刷局印

按通志山多藥草亦產蘭下有落鶴澗即今惡口澗以石形凶惡而名

又東南曰橫山一名鬪牛山 方輿紀要有二山一大一小東西對峙橫而不斷

又東曰鷄冠山 以形似

香爐山 亦以形似香爐山俗呼爲小頂上有織錦洞洞內有倒井水嘗溢出入洞百餘步仰觀有孔如梭俗傳神女織錦於此

傘蓋山 亦以形似下有西流泉

又東北曰龍巖山 方輿紀要起伏連延其勢如龍

在縣西北二十五里有興雲洞歧而深雲常出其中

又東曰開陽山 在縣西北十五里雪降其巔即消南麓開陽廟祀東皇之神有霖潦則祈之

縣北曰青屏山 通志在縣北八里與開陽山相連控抱縣城形若罍

又東曰張果山 一曰靈山 西接青屏東連雲隴

又東曰雲隴 魏地形志密有雲隴

名勝志有承雲水出縣北三十里之承雲山方輿紀要一名侵雲山

按山在縣東北二十里今云三十里誤

按雲隴雲濛雲母侵雲東承雲實一山而異名也下有交花泉懸流深澗漱石如花故名

又東北曰摩旗山 在縣東北四十里與大周山一脈相連其山西之水歸賈峪入汴水

地界滎陽岡阜匝布中起一峯有孔以石投之鑿然有聲相傳黃帝立旗於此其東南有議事臺西南有屯糧凹西巖有泉名翻花出地北行十餘步復入地

縣東曰浮山 在縣東二十里東西綿亘山頂平廠形如浮船故名

密 縣 志

卷四 山水

河南印刷局印

又東南曰夷山 洧水繞前楊河環後長半里許高十丈餘

又東北曰岱山 在縣東三十五里北至摩旗山九里南至雲隴山十六里即鷄絡塢之

西山也雙阜對峙中間微凹故謂岱山或曰山前坡水入於溱洧後坡水入於汴故名

又東曰鷄絡塢山 澗水出焉 水經注澗水出鷄絡塢下

說嵩謂嵩山之北起於轅轅盡於鷄絡

在縣東北三十五里土人謂之老鍋岡崖石如塢嵯峨石穴中有飛臥鬪食諸狀故名

又東南曰下太山 與鄭州太山南北相道前臨澗水後枕玉溪泉右跨龍池左有岡陵

環抱

陘山 左傳桓王八年與鄭人蘇忿生田陘其一也

杜預遺令作邢山曰吾往為臺郎嘗以公事過密之邢山

地理通釋河南開封府密縣有陘山

顧棟高春秋大事表在楚爲北塞在韓爲南塞二國皆恃此爲險也
方輿紀要在新鄭縣南三十里

按戰國策蘇秦於韓曰南有陘山於楚曰北有陘塞注並云河南密其地一也實爲南
北陘塞

梅山 春秋襄十八年傳楚蒍子馮率師侵鄭右回梅山侵鄭東北杜注在滎陽密縣東
北與黃堆山一脈屈曲東行孤起一圓峰頂甚坦曰梅山

春秋大事表路史云河南密縣有梅山武王封伯元孫於黃梅在楚鄭之間子孫以梅
爲氏

方輿紀要在鄭州西南三十五里山海經名少陘山與滎陽名小陘者異又司馬彪云

密縣志

卷四 山水

六

河南印刷局印

此山東北有華陽亭在鐵三官廟南京水出山之西承水出山之東

鄭州志在州西南高數十丈周數里其來脈自嵩嶽經密縣皆爲石山至此脫爲土崖
然突然狀如乳形或謂舊多梅花故名按陘山梅山今在新鄭鄭州境內因舊爲密地
故附識於此

橫嶺 方輿紀要橫嶺在鞏縣東三十里接汜水界李密據興洛倉隋遣東郡兵討之又
使虎牢鎮將裴仁基自汜水西入以掩其後密分兵伏橫嶺以待

按密橫嶺即西連鞏汜之橫嶺至五枝嶺入境而東起伏綿延八十餘里隨地異名南
北諸山皆其支也

五枝嶺 在縣西北四十里密汜登鞏偃五縣共之

馬嶺 自登封景店起東盡超化

文峰岡 在城南上建文峰塔

石羊岡 在灣子河南通志以爲城南所枕誤

尖城岡 在超化西嶺有土牆若城一土阜豎其南俗傳爲金花城不知何說

三臺岡 在王村東北三峰並起望若三臺下臨洧流一曲環抱

天仙洞 名勝志元許有壬遊天仙洞記密縣城東三里許有天仙洞四山平旋高障覆擁於外古廟隱垣岡周會羣流中繁奇石瑩如玉點如聖其白其黑綵如縹霞結如緹垣外古柏成林庭畔老檜競直約五六仞殿後白松如傅粉一本三幹高十數仞本大四抱餘本畔一竅常流液甘甚周歲兩脫膚根盤據枝若擎虬葉秀翠且硬世傳漢有閨女仙化葬焉此其塚上物也廟前百武許有繡石狀架棚其左泉滴如雨茲遊因多異云

密縣志

卷四 山水

七

河南印刷局印

靈巖洞 在縣東四十里雲崖下一山突起水四環之高下巖洞大小十餘號靈巖者稍深廣可容數十人懸蘿垂巖復坦然高敞可廬相傳黃帝問道風后講武處此巖自頂至躡石皆玲瓏斑駁碎之乃櫟葉層累惟色近黃赭不瑩爲憾耳其後水流峽中樹出石鱗琴卮塵履良助幽致

靈羊洞 通志超化寺西南五里許洞在半崖古傳有羊出入不知何靈物也深窅莫測居民不敢深入中有白蝙蝠

張良洞 在壺瓶嘴當溱源之下崖半有洞三深不可測者二其北崖如鳳凰飛翥西南崖如龍蛇蜿蜒古木成林森鬱積世傳留侯辟穀修鍊處又後人避金兵於其中俗呼爲避金洞

神仙洞 在銀鑿峪間洞中有水從門湧出惟大旱斷流人乃得入洞高丈餘深不知幾

許內有石柱瑩潔如玉兩壁列石佛石龍盤於中道石乳垂於洞頂約行一里有石井居民數十家用之不竭井旁復有門入內有石坑石枕皆天生有白蝙蝠大如箕約行十里許有石屏風當路冷氣侵骨不可復入相傳洞中有二仙一名比何一名古偈非至虔誠不得見

青煙谷 魏書地形志密縣有青煙谷

按今西北有興雲洞常有烟出其中疑即此

丈石崖 在超化西南有袁中郎醉書三大字

知縣王珏有丈石崖冬稷序見藝文志

洧水出登封陽城山亦曰馬嶺山 桑欽水經洧水出河南密縣西南馬嶺山酈道元注水出山下亦言出潁川陽城山山在陽城縣之東北蓋馬嶺之統目焉

按古陽城縣在今登封東南三十里世呼告成酈注言在陽城縣東北所指蓋即馬嶺

密縣志

卷四 山水

八

河南印刷局印

實一山也

東南流逕陽子臺又東沁水自北來注之 水經注清水東南流逕一故臺俗謂之陽子

臺又東逕馬嶺陽北山上陽下泉流南注亦謂洧別源也按今洧水自馬嶺陽來逕西

施村弋家灣與沁水合即水經注清水也又三里至界河入縣境

又東白龍潭水西南來注之 源出柏崖山陰有石湫大石覆之湫上有白龍廟禱雨多

奇應其水環嶺而出逕羅義灣入洧

又東綏水西北來注之 水經注綏水出方山綏谿即山海經所謂浮戲之山也東南流

逕漢弘農太守張伯雅墓東南流逕上郭亭南東南注洧

按綏水有左右二源右源出大方山南流受井灣土觀竹園諸溪至玉臺折而東逕牛

兒店北與左源合張龍甲洧源考乃謂洧水逕牛兒店北轉東南流大誤左源出二龍

山名助泉直趨東南逕申寨北召黃龍泉至補子廟前與右源合洧源考乃謂助泉西南流入土觀不知助泉土觀中隔鳳凰山安有穿山踰嶺穴地而能通過之理又按水經注此下有洧水又東襄荷水注之舊志謂襄荷水即子節水自護隄口入綏不入洧今考子節溪水出下寺溝逕月寨即舊志月牙范村至郭灣即與綏合不惟不入洧即入綏亦不在護隄口田穎隨遊記言之頗晰可覆考也

又東金華泉水西南來注之 洧源考自滴瀝泉下至超化金華泉而水大出焉蓋自土觀之下洧水之溝皆曲折峻山間山水衝激亂石星羅於溝底大雨則泉隨雨集漲滿平川霽則細泉伏流石下至超化以下方見而不伏故土人謂洧水明流者百餘步暗流者四十餘里若直以超化爲源而強指相近之山爲陽城馬嶺則山川易位準之諸書皆不合矣

密 縣 志

卷四 山水

九

河南印刷局印

池 在超化寺東縱廣畝餘自地湧出寺南有月牙泉三寺西亦多泉龍王廟又有前後龍

又東承雲二水西南來注之 水經注洧水又東流南與承雲二水合俱出承雲山二源雙導東北流注於渭之東西承雲水

又東朝陽寺河西北來注之 源出張果山過靈山廟入洧張龍甲溱洧全圖謂在洧南誤

又東微水西南來注之 水經注洧水又東微水注之水出微山東北流入於洧

溱洧全圖在大鴻山下

又東騰蛟河水西北來注之 騰蛟河水源出雲隴山前雙橋下東南流逕騰蛟臺入於洧

又東逕故城南 水經注洧水又東逕密縣故城南春秋謂之新城東門北側有漢密令

卓茂祠 舊志在東門南側誤

按春秋新城即今大隗鎮

又東瓌泉水東南來注之 水經注水出王亭西北流注於洧

按王亭今不知其處今大隗鎮西南八里有瓌水泉澄深丈餘明鑑鬚眉即水經之瓌泉水也會龍池水由大隗東南白石棚入洧

又東南楊河水西北來注之 源出邑東北如堂廟檜樹亭衆流匯之經紅石峽繞大隗鎮卓君廟後至夷山左入洧

又東南馬關水西南來注之 水經注又東南與馬關水合水出王亭下東北流歷馬關謂之馬關水又東北注於洧

密縣志

卷四 山水

十

河南印刷局印

按馬關水出七敏山即山海經之敏水東北流會南泉石樓諸水至潭逗灣入於洧計行三十餘里

又東武定水西北來注之 水經注洧水又東合武定水水出北武定岡西南流又屈而東南流逕零鳥鳴鳴側有水懸流赴壑一匹有餘直注澗下淪積成淵嬉遊者矚望奇爲佳觀俗人睹此水挂於鳴側遂目之爲零鳥水東南流入於洧

按水經注武定水出武定岡在南來馬關水之下考溱洧全圖是今之邵河也武定岡即今之大岡小岡舊志以爲楊河誤零鳥水今無其名其云懸流赴壑淪積成淵與所逕響水潭合

又東淨陽河水西南來注之 源有二一發莊子溝一發黃龍潭經洪山廟石橋至寇家寨北入洧

又東虎牘谿水西南來注之 水經注洧水又東與虎牘谿水合水發南山虎牘谿東北流入洧

按在今雙樓西

又東聖壽寺西溪水來注之 源有二一出關溝一出史溝逕王嘴東入洧

又東南赤澗水西北來注之 水經注赤澗水出武定岡東南流皇臺岡下又歷岡東東南流注於洧

按溱洧全圖武河即赤澗水之上游源出大岡山名出衝河繞固泉寺逕仙姑洞南流爲武河又南流爲赤澗水與水經注合

又東南澮水東北來注之 黃宗羲今水經洧水東至新鄭縣會溱水爲雙洎河

按洧水過周渡口龍淵至石節里許即入新鄭界又東北流里許溱水自東北來入之

密 縣 志

卷四 山水

十一

河南印刷局印

此溱洧交流處也名交流寨

又東南逕鄆城南 方輿紀要在縣東北五十里周檜國也

澮水出鄆城北西鷄絡鳴下 水經澮水出鄭縣西北平地注出鄆城北西鷄絡鳴下東

南流逕賈復城西

今水經溱水源出密縣

溱洧考源出密之董家溝溝首有地名一里坡坡有大邱如覆釜俗名老鍋岡即水經注之鷄絡鳴也

又東南澁水西北來注之 水經注東南流左合澁水水出賈復城東南流注於澮

溱源考溱又東南側曲梁店西轉抱其南名曲梁河澁水自西北來入之即注所云左合澁也水出光武店東七里危家溝溝南岸有大嶺東西連接溝在嶺北東流至太山

西南王家口折向南流逕曲梁東南入溱

又東南承雲水西北來注之 水經注溱水又南會承雲山水水出西北承雲山東南歷渾子岡東注世謂岡峽為五鳴口東南流注於溱

又東南逕鄆城西柳泉水西北來注之 水經注又東南流歷下田川逕鄆城謂之柳泉水也

按柳泉水今不知何處張龍甲次于響潭河後既與注不合所云樊家溝水亦未確

又南為響潭河 水經注又南懸流奔壑崩注丈餘其下積水成潭廣四十餘步淵深莫測

溱源考溱水復折而西流有石巖陡下瀉為深潭廣三四畝中多大石欹側四五處懸

流激鳴世謂響潭河 周集祥有響潭詩見藝文志

密縣志

卷四 山水

十一

河南印刷局印

又南注於洧 水經注詩所謂溱與洧者也世謂之為卽水也

溱源考以其逕鄆城西故謂之卽水

溱水出大騮山東南流入新鄭界

水經出河南密縣大騮山東南入於潁注大騮即具茨山也溱水出其阿而流為坡俗謂之玉女池東逕陘山北有鄭祭仲冢冢西有子產墓

通志溱水一名清流河一名魯帖河

按縣東南五十里關口村前有小泉不二里入新鄭界人稱溱水其源固不遠於大騮山也

龍泉 在天仙保龍泉寺後北流入滎陽須水

聖水泉 在縣東北聖水寺近滎陽界平地湧出水可丈餘逆而西流合溫泉冰泉水北

入於汴

涼水泉 在岳村集東三里有泉夏涼如冰行人賴之

五鳳泉 在五鳳岩下石罅出水清森漣漪相傳池水四溢則歲豐稔

鼓鑿泉 在楊條溝里許北崖湧出聲自內作響如播鼓故名

龍潭泉 在岡劉北夾崖湧泉祈雨輒應往往有白雲騰空故名龍潭

靈泉 在茶菴南澗下往來行人苦無水飲知縣于兆麟相地掘泉不數尺而水湧出

五龍潭 在盼山南崖壑千重澗闊數丈石壁聳立中多奇泉第一黃龍潭第二爲黑龍

潭第三爲九龍潭第四爲白龍潭至此水出峽直下石磴丈餘下瀝爲青龍潭

響水潭 一在縣東七十里即響潭河也一在縣西北三十五里神仙洞西巖崖上壓危

石欲墜懸水點滴四時發響清聲激越如奏琴瑟毗連西山有大石崖似室內有石柱

密縣志

卷四 山水

十三

河南印刷局印

二橫几一

獅子潭 在承雲山西北澗中山水迅流而下停蓄爲潭兩石蹲踞頭角崢嶸形如俊狔

青龍池 通志在密縣池上建驅蝗祠歲時奉祀

按池在新寨清順治間青龍見土人禱輒應

古龍池 通志在密縣東南三十里源出徐家溝水從上瀉飛瀑如雷喧呶之聲不辨人

語驚濤瀆沫池廣丈餘而方舊以石湫池畔古木四五章皆數百年物石罅泉滴漉

成韻南崖有白石佛經亂俱燬惟泉在濺人衣襟

按池在大隗鎮西南五里下有數泉北注入鑿水

飛雲瀨 在丁鐵店北西百餘武跨馬關水上石色青碧有數竇水穿其中鳴瀉之聲瑟

瑟中聽前有停渚可駕一舟亦名錦石洲以其在水中也可坐百人爲高士遊覽之

所

知雨瀨 一名石節 在謝村保東境洧水經之穿石傾瀉瀑瀑有遠韻夏夜靜時忽有潮

聲聞數里土人以此下雨甚驗因名 周集詳有知雨瀨詩見藝文志

石梁河 方輿紀要出縣西南山谷中經禹州北境

名勝志出縣山谷中流至朝華寺前匯為黑白二龍潭東流入臨潁

王寨河 名勝志在縣東北五十里南流四十里入洧水

龍池河 源有二一出曲梁保陳寨南溝一出桃園村東龍池至朱家寨合流西向南逕

下太山西入溱

劍河 源出程嘴西北里許南流至槐樹嘴與王溝壩潭二水東南流至交流寨入洧

黃水河 源出曲梁保牛崙東南東流逕李莊東北入新鄭界

密 縣 志

卷四 山水

十四

河南印刷局印

平陌河 在縣西南十八里即洧水上流也

青石河 源出開賜山南流于邑西五里堡入綏

石河口 一名上河口 俗名湖地口 在縣南五里許為西北山水總會之所西岸為關山嶺東岸為石

羊岡河從中盤曲而出即綏水也東南至超化入洧

灣子河 源出橫嶺逕青屏山後東流會青山河柳河滴瀝泉馬漢河諸水又西南流為

灣子河又東南流入十河口

城西關河 源出八里廟會籐花諸泉東南流入綏

黑峪川 在縣東北二十里東流入鄭州京水

槐峪川 在縣西北二十里北流入滎陽